



Шормо эл, порымлык да гим бер!

16-шо (3352) №,  
2018 ий 21 апрель,  
шуматкече.

# ЯМДЕ ЛИЙ

1933 ий 1 февраль годсек лектеш.

0+

## Толза унала, пагален вучена!



Н. СЕМЕНОВАН фотожо.

Марий  
Эл Республикасые  
культур, печат да  
калык-влакын пашашт  
шотышто министерствы-  
лан кугу таум  
ойлена.

– Ура-а-а! Ме тендам кычал муынна! У пöртсий да лүмгече идалыкда дене саламлена! Шуко лудшым тыланена! – сылне марий вургеман ўдыр-рвезе-влак, юарлен, ойлен-ойлен, редакцийыш пурен шогалыч. Палыме лийна: нуно Медведево район Шойбулак школ гыч улыт. Йошкар-Олашке «Литератур смене» республикысе конкурсыш толыныт. Кок пачашан сылне пöртна воктене войзалтыч.

Ача-ава, коча-кова, туныктышо да йоча-

влак, куаннам тендан дене пайлаш вашкена. Шукерте огыл «Ямде лий» газет редакций пеш мотор у зданийышке куснен. Редакций Изи Какшан эгер серыште Энерўмбал Амстердам, 1-ше номеран пöртыштö верланен. Воктенак – А.С.Пушкин ден Е.Онегинлан пöлеклалтше памятник. Марий самырык театр тораштак огыл. Толза унала, пагален вучена!

**Л.ГРИГОРЬЕВА.**

**ПОДПИСКЕ!**



Изи Машук ден Мишук йўдшö-кечыже «Ямде лий» газетым лудыт. Кажне лаштыкшым шергалыт. Учашен-ўчашен кроссвордым ыштат, уштодышым эртат, сўретым чиялтат, эсогыл почеламутымат возаш тўналыныт. Теат, йоча-влак, примерым налза! Газетлан подпискым ыштыза!

1 апрель гыч 2018 ийын кокымшо пелыжлан подписке тургым тўналын. Йолташ, ит öркәне, почто связь отделенийышке мий да чолган возалт.  
**Индекс – П4696.**

Газетын акше – 298 тенгеат 80 ыр





## Школышто вашлиймаш

«Ямде лий» газетын лүмгече идалыкшылан пöлеклалтше вашлиймаш Медведево районысо Юбилейный школышто эртыш (снимкыште). Визымше классыште тунемше-влаклан йоча газетын эртыме корныжо, пашаж нерген пален

«Ямде лий» газетлан – 85 ий

налаш онай ыле гын, 1-ше классыште тунемше йоча-влак түрлө модыш дене куанен модыч. Шке классышт, туныктышышт М.И.Логинова дене тыманмеш палымым ыштышт. «Ямде лий» дене кылым кучаш сöрышт.

Л.НИКОЛАЕВА.



Авторын фотожо-влак



Морко район Унчо селан «Финн-угор тунян 2019 ийысе культур рüдолаже» конкурсышто сенышыш лекмыжлан пöлеклалтше прессконференций Йошкар-Олаште Усталык ушем-влакын пöртыштышт эртыш. Я.Эшпай лүмеш Марий кугыжаныш филармонийын директоржо Э.А.Юзыкайн проект дене палдарыш. 2019 ийыште Унчышто түрлө мероприятий эрташ туналме нерген каласкалыш. «Культур, печать да калык-влакын пашашт шотышто министр К.А.Ивановын «Конкурсышко ушныза да сенымаш дене пöртылта. Тудо мыланна моткоч кÿлешан» манын каласыме шомакше-влак мыланна ÷жмаш гай лийыныт», – ойлыш Эрик Алексеевич.

Л.ГРИГОРЬЕВА.

## Пайдале кангаш

«Ямде лий» газетын тун редакторжо Л.В.Семенова да «Морко мланде» газетын тун редакторжо А.А.Титов дене вашлиймашым эре шарнаш туналам. Нуно мыланна, самырык юнкор-влаклан, ятыр пайдале кангашым пуышт. Сай журналист лияшлан шуко тунемман, шке професийым йöратыман. Йылмым лывырташ манын, книгаг лудман. Газет ден журналлаш изинек возкалымаш ончыкылыклан кугу полышым пуа.

Анатолий  
АЛЕКСАНДРОВ.  
Морко, Шүргыял.

## Шошо каныш

Пеш кужу кумшо чырыкым сайын тунем пытарышым. Каникулемат пайдалын эртарышым. «Ямде лий» газет редакцийыш унала мийышым. Мыланем талешке-влак нерген книгаг пöлеклышт. Тудым ешыште лудна, школышкат йолташем-влаклан нангаем. М.Шкетан лүмеш Марий национальный драме театрыште спектакльым ончышна. Театрын поян тоштерже дене палыме лийна. Шуко онайым пален нална.

Кужэгер, Шүдымарий.

Сева НИКИТИН.

Икымше компьютер модыш 1967 ийыште лектын.

22 апрельште Йошкар-Олаште Чуваш кугыжаныш курчак театр К. Чуковскийн йомакше почеш «Муха-цокутуха» спектакльым ончыкта.

Апрель вüд дене куандара, май – шудо дене.

Тлушто: пасу гоч лöзмөн маска кудалеш.

Калыкле президент сымектыш школ 28 апрельште чылалан шке омсажым почеш. Мурышо да куштышо коллектив-влакын концертышт 11 шагатлан туналеш.

Кинде – сий да илыш вий.

23 апрельште Шернур район Марисола тÿвыра пöртыштö «Ныжыл йÿр» муро конкурслиеш. Тудо Василий Павловын шочмыжлан 60 ий темгылан пöлеклалтеш.



**Шуко ача-ава őrдыж кундемыш пашам ышташ коштеш. Тыгодым йочам коча-ковалан коден каят. Икшывым воспитатлымаште коча-кова-влак пайдам але əkшыкым кондат?**

Ты йодышым рашемдаш Психологий да педагогике, медицине да социальный полышым пуышо «Детство» рўдерын педагог-психологшо **Оксана Николаевна ПУРТОВА** полша:



– Йочам ончен куш-тымаште коча-кован верышт аклаш лийдыме.

Лач кова уныкажым поро, чолга, чын койыш-шоктышан лияш, сайын тунемаш, сенымашке шуаш тунукта. Кова, шке ылышыжлан энгертен, паша, моторлык, чытымаш нерген умылгара. Тудо ешыжын, шочмо элжын эртыме корныж дене палдара, ятыр йомакым, легендым пала. Илышын чын акшым рашемдаш полша. Сулен налме канышыш лекмеке, ятыр коча-кова яра жапшым уныкалан пөлекла. Нуно яндар южышто пырля лийыт, модыт, кидпашалан тунуктат, мөнгысö пашам ышташ полшат. Тыге йоча иктагашыже-влак дене веле огыл, кугыен-шамыч денат вашкылым ышташ тунемеш.

Икшывым воспитатлымаште коча-кова-влакын нимогай əkшыкышт уке гай чучеш. Но тыге огыл. Коклан кова шочмо ава ден ачам őrдыжкө коранден, нуным алмашта. Ешыште кова оза гын, йоча ача-аважым колыштмым чарна, вашкыл лушка.

Коча-кова шукуж годым икшывым «локты-

## Тўргоч йөратымаш əkгекым конда

лыт»: тудын чыла йодмыжым шуктат, амал деч посна моктат, эре арален налыт. Тыге йоча шкем гына йөратыше, мутым колыштдымо кушкеш.

Коча-кова-влакын тўняумылымашышт, йочам воспитатлыме йōнышт вестўрлырак, ожнысо ылышлан кельштаралтше. Тыге коча-кова, ача-ава да уныка коклаште умылыдымаш лектеш. Сандене икте-весе дене кагашен, икойыш шуаш тыршыман.

Ача-ава шке проблемыштым решатлен, пашаштым ончыл верыш шынден, йочаштым őrдыжкө шўкалыт. Тудлан жапым шагал ойырат, шагал мутланат – а тидыже эн тўн! Тыгодым кова-коча уныкалан полыш кидым шуялтат, лишыл йолташ лийыт. Но нуно икшывым воспитатлымаште ача-ава эн тўн улмым мондышаш огытыл.

**Л.ГРИГОРЬЕВА** ямдылен.



Авторын фотожо.

## Вольык – вўта тич

Роман Ятманов (снимкыште) Морко район Арын школышто 1-ше классыште тунемеш. Изи рвезе кугу ешыж дене кугешна. Кочаже, коваже, ачаж ден аваже, Максим изаже келшен илат. Вўта тичак вольыкышт уло: ушкал, шорык да каза. «Паша чылалан сита, – оила Роман. – Мый изи ведра дене вўдым нумалам, шорыкым йўктем». Яра жапыште Ярослав йолташыж дене аважын налын пуымо кугу КамАЗ дене модаш пеш йөратат.

**Л.НИКОЛАЕВА.**

*Еш верч шогаш – пилан лияш.*

## Йөратем, аваем!

Авам Починга ялыште шочын-кушкын. Кыдалаш шинчымашым налмеке, контролёр-кассир профессиалан тунемын. Вара пошкудо ялыште лапкызылан ышташ тўналын. Евгений лўман рвезылан марлан лектын. Авам ден ачамын ныл шочшышт улына: Кристина ден Анжелика акам-влак, Андрей да мый. Авам тамле кочкышым ямдыла, паласым пидаш йөрата. Кызыт Татарстаныш пашам ышташ коштеш. Эрдене кая да кастене веле толеш. Школ деч вара тудым вашлияш лектам. Мый авамым йөратем, чама-нем да аклем.

**Вася ЯКОВЛЕВ.**

Одо кундем, Грах район, Йырсе ял.

## Кугешнем

Мый Руслан изамым пеш пагалем.

Тудо мыланем эн шерге айдеме.

Изам поро, онай да шыма койыш-шоктышан.

Кораксола ялыште ила. Пашаш тора кундемыш коштеш. Яра жапыштыже

мыланна тўрлө сомылым ышташ полша. «Ом ярсе, ом керт» манын нигунам ойлен огыл. Тыгай изам дене кугешнен илем.

**Марина НИКОЛАЕВА.**

Морко, Шўргыял.







денит. Нуно шке возымо сълнымутыштым йўкын лудыныт. Медведево район Шойбулак школын 7-ше классыштыже тунемше ўдыр-рвезе-влак сълнымут да мурсем монтажым ончыктеныт.

**Х.АЛЕКСАНДРОВА.**

## Кок кутко

Тўняште кок кутко илен. Иктыже пашам йоратыше лийын, а весыже – йолагай. Эре лавыран коштын, тунемаш орканен, модаш гына йоратен. Икана йолагай кутко черланен. Тудым эмлаш пашаче кутко толын. Йолагайым мушкын, сайын пукшен. Кажне кастене книгаг лудын. Тыге йолагайым пашалан туныктен, книгаг лудаш кумыланден. Эрдене коктын зарядкым ыштеныт. Йолагай писын тўрланен. Вара пырля школыш кошташ тўналыныт, нигө деч сай, ўшанле йолташ лийыныт. Тылеч вара пашаче кутко деч шукын кагашым йодыныт. Тудо кажныжлан полшен.



1-ше номеран Морко школ.

**Марина МИТКИНА, 4-ше «В» класс.**

## Президент лиям ыле гын...

«Мый Россиянын президентше лиям ыле гын...» всероссийский конкурсын заочный турышкыжо Пўгъял школын тунемшыже-влак чолган ушненыт. Кумшо классыште тунемше 5 йоча: Ксения Бессонова, Виктория Осипова, Кирилл Корнилов, Дмитрий Иванов да Максим Пушкин – финалыш лектын. 6-8 апрельыште Санкт-Петербургышто конкурсын финалже эртен.



Элнан 63 регион-жо гыч кум тўжем наре участник ушнен. Школнан чапшым Максим Пушкин **(снимкыште)** арален. Тудо ялзозанлыкым вианген колтымо шотышто законнышко могай вашталтышым пурташ кўлмө нерген к а л а с к а л е н . Максимлан тиде проблеме палыме:

ачаже – Андрей Владимирович – Волжский районышто кумдан палыме самырык фермер.

**Максимын темлымашыже:**

**1. Фермер оза-нлык-влаклан у техникым налаш йоным ышташ.**

**2. Курал-ўдымө мланде кумдыкым ешараш.**

**3. Селекций, агрохимий направленийым вианген колташ.**

**4. Фермерлан ончен-куштымо продукцияжым ужалаш йоным ышташ.**

**5. Яллан специалист-влакым ямдылаш.**

**6. Самырык специалист ялыш толжо манын, ялысе илыш условийым саемдаш.**

**7. Ялзозанлыкыште кушкылым ончен куштымаш ден волькыкым ашнымаш иктөр виангаш улыт.**

**З.Н.ЛЕСНИКОВА, туныктышо. Волжский район.**

*Ялеш кө шочын,  
Палатудо мландын тамжым.  
Альберт Степанов.*

**Йоча да самырык-влаклан В.Колумб лумеш книгагудышто поэтессе, Марий Эл Республикын сулло туныктышыжо З.В.Ермакова дене Поэзий кечылан пӧлеклалтше вашлиймаш лийын.**

## Калык поэт кумылан ден

– Зинаида Васильевна, 8-ше классыште тунем-мыда годым Миклай Казаков дене икымше гана вашлийында. Айста тиде пагытым шарналтена.

– Шернур район Марисола школышко иктаж 7-8 поэт ден писатель толын ыле. Миклай Казаков костюмым, йолгандыра дене кылдыме марий тувырым чиен. Марий почеламутым сылнын лудын. Мольштымат колыштынам, но ала-молан тудын лудмыжо ушеш чот возын. Николай Иванович семын мыят ом керт мо, манын шоненам. Ты кечын йӱдвошт ала-мом удыркаленам, пӧртна ваштареш шогышо писте нерген возенам. Тыге эркын возкалаш тӱнгалынам, да туныктышемлан, Михаил Иванович Ивановлан, йыштак ончыктенам.

– Школым тунем пытарымеке, кӧ лияш шоненда?

– Мый Озангысе авиационный институтым ойырен на лынам.

Математикым моткоч йӱратем ыле. Ик эрдене иктаж 12 ег, ик автобусыш шинчын, Йошкар-Олашке кудална.

### Онгай

Марисола кундемшыште гына ошпонгылан (майский гриб) пайремым эртарат. Понгылан чапмурым мурат, понго шӱрым шолтат, модыт, танасат. Пайремым эртараш З.В.Ермакова кумылан ден.

Пырля тунемме йолташем-влак чылан Марий педагогический институтыш тунемаш пураш кайышт. Озангыштыже



**З.В.Ермакова:**

шкетын мом ышташ тӱнгалам маньымат, почешышт тарванышым. Йодмашым возышым да, ямдылалтде, куд экзаменым кучышым.

– Зинаида Васильевна, мый палем, те корным моткоч йӱратеда.

– Мый тачат рюкзакамым, палаткамым нумал кошташ нимыняр тореш омыл. Поснак тулото

ваштареш шинчаш йӱратем. Кушто гына мый лийын омыл!

Кажне кенгежым йоча-влакым походыш коштыктенам.

Эн шагалже кум йӱдым маленна. Морко районыш каенна гын, арня дене коштынна. Йоча-влак нигунамат неле, кылмен, нӧрен улына манын ойлен огытыл.

**Ший Пампалче мутланен.**

«Мый акрет годсекак «Ямде лий» газетын лудшыжо улам. Палем, тудон тений кугу пайремым пайремлен. Газетыш шуко йоча воза – тиде мыйым куандара. Редакций пашаенг-влак, пашада ушныжо, самырык возышыда-влак эре шукемышт. Нунын возымышт кӱшкӧ нӧлталтше, лектышым пуыжо да ончыкылык илышлан корным ончыктыжо».



### Тест

Морко район Корка-тово лицейыште марий йылмым туныктышо В.Е.Смирнов «Война и мир» роман почеш тестым темла.

❖ «Война и мир» романын авторжо кӧ?

❖ «Война и мир» романыште мыняр персонаж (герой) уло?

❖ Тиде произведенийыште мыняр тӱнгеройым палет?

❖ «Война и мир» мыняр том гыч шога?

❖ **Задачым шотло:** Тый 140 мутым ик минутышто лудат. Романым лудашлан кечыште кум шагатым ойырет. Пӱтынек романым мыняр кечыште лудын пытарет?

### Шошо толын!

Эрдене эрак кынедам. Окнашке вигак ончалам. Ужам мый корным,

сылне кечым, Да куаналын шыргыжам.

Вара каласем шкаланем: «Шошо толын – мый ужам!»

Авамым шке декаем ужам, Тудымат куандарем:

«Авай, ончал окнашке, Шошо пурыш ялышке!»

Шыман тупем гыч вӱчкалта. Шошым вучен шуктышна!

Пагалыме редакций! Тений теле кужу лие.

Шонышым, шошо ок тол, но вучен шуктышым!

Куанымем дене почеламут корно-влак сочыч.

**Дарья САЙРАНОВА.**

Пошкырт, Балтач, Мишкан.



2-шо «Б» классыште тунемше-влак книгагудышто уэмдат.

Вечын школышто «Йоча книга арня» рӱжге эртыш. В.И.Ласточкина йоча-влакым онгай мероприятийлаш ушыш. 1-4-ше класслаште тунемше-влак «Книга кугыжаныш – йомак кугыжаныш» модыш дене модыч. Шуко сӱретым сӱретлышт, почеламут-влакым сылнын лудыч, книга-влаклан кокымшо «илышым» пӧлеклышт.

**А.Г.КРОПОТОВА,**  
марий йылмым туныктышо.  
Советский район.





**26 АПРЕЛЬ – МАРИЙ  
ТАЛЕШКЕ КЕЧЕ**



**Шукерте** ожно Онар  
лүман патыр рвезе ден  
шонго аваже иленит.



**Пич** чодыра дене ошкы-  
леш - эн кугу пушенгыжат  
тудлан пулвуйданыт веле  
лиеш.



**Икана**  
Онар ег-  
влакым  
ужеш.


**Онар** нуным, күсеныш  
оптен, аважлан ончык-  
таш нангая.



**Аваже** нуным  
мөнгеш колташ шүда.



**Онарын** пенгыдын малы-  
мыж годым толкын мардеж  
тарвана. Шижын шуктыде,  
шинчаже шүкангеш. Аваже  
тушечын кож пундышым  
луктеш.



**Онар** Юл эгер воктене  
эртымыж годым шкеж гаяк  
патыр пörъеным вашлиеш.  
Тудо Онарын мурдаж дене  
колым кучен.



**- Мый кугы-  
жан эрге  
улам!**

**Пörъен** Онарлан мелын  
шогалеш - кредалаш  
түналыт. Кредалмаш кум  
кече шуйна....



**Кугыжан** эрге сеналтеш.  
Онар тудым уло вийже  
дене лупшал пышта.



**Онар** йыдалжым ястара.  
Рок йоген кая - күкшака  
лиеш. Весыжым кумыкта -  
кокимшо курык  
нөлталтеш.

**«Онар»** легенде почеш  
комиксым  
Ф.Лебедева сүретлен.





Я.Эшпай лүмеш Марий кугыжаныш филармониянын «Марипарк» музыкально-хореографический спектакльжым калык куанен вашлийын да кўкшын аклен. «Марий Эл» кугыжаныш куштышо ансамбль түрлө жанран кушты-маш-влак дене спектакльжым сорастарен.

Калыкын йодмыж почеш «**Марипаркым**» **10 да 23 майште** М.Шкетан лүмеш Марий национальный драме театрыште 18 шагатат 30 минутлан ончыктат.

**25 апрель** – Морко посёлкысо тўвыра да каныме рўдер, 18 шагатат 30 минутлан.

**27 апрель** – Вечын посёлкысо (Советский район) тўвыра пўрт, 18 шагатлан.

**11 май** – Звенигово олесе «Мечта» тўвыра да каныме рўдер, 18 шагатлан.

**Рекламе.**



## Усталыкым тергенна

Кугечылан пөлеклалтше «Пасхальный благовест» йоча конкурс районышто кажне ийын эртаралтеш. Тений мемнан школышто лийын. Конкурсыш шуко уна толын. Ме мурымаште, кидпаша конкурсышто, почеламутым сылнын лудмаште вийнам тергенна. Йоча-влак чапкагаз дене палемдалтыныт.

**Анастасия МАТВЕЕВА,**  
**2-шо «А» класс.**

**Звенигово, Кужмара.**



Шолтым

деч ончыч  
вўдыш изиш содым пыштеда гын,  
муным эрыкташ куштылгырак лиш.  
Шўр шинчалген гын, кастрюльш  
рисан изи мешакым пыштыза. Рис уто  
шинчалым «поген» налеш.

## Изи озавате

✗ Кўрышталтше, шуйналт кечалтше,  
мландымбалне почанше  
электровоштырым ида тўкө.

✗Трасформатор будко деке лишке ида мий.

**Морко район Коркатово лицей гыч возат.**

## Уремыште – шошо

Шошо – йоратыме пагытем. Мланде теветеве ош мыержым кудадын кудалта. Кайык-влак толыныт, но але чылан огыл. Пўртўс тўзлана, вашталтеш. Лач тидыже мыйым эскераш да куанаш тарата.

**Карина АФАНАСЬЕВА.**

✿ Пўртўс вашталтме дене шошо толмым шижына. Кече утыр шокшынрак ырыкта. Тыге лумлан ушым пурта – йўдшө-кечыже шулыктура. Уло чонан шошым куанен вашлиеш.

**Ульяна АЛЕКСЕЕВА.**

✿ Шошо мемнан ялыштат озалана. Шочмо элыш чонгештен толшо кайык-влак, шошо кечылан куанен, йўкыштым пуат.

**Кирилл ИВАНОВ.**

Марий-  
влак апрельжым вўдшор  
тылзе манят. Ожно руш калык цв-  
тедь манын, тыгак снегогон шомакым  
кучылтын. Эше тыге ойлен: «Водолей,  
ручейник», эн онайже – березозол. Йоча-  
влак, шоналтыза, калык молан ты шомакым  
кучылтын?

**В.КУГОРНО ямдылен.**

## Сўрет ончер

Марий кундемна уста ең-влаклан поян. Теве Кужэнгер районышто илыше Елена ден Альберт Курочкинмытын «Кужэнгер кундем» ончерышт Йошкар-Оласе Калык арвер сымыктыш пўрт-тоштерыште эртыш. Ончер шошо пагытлан пөлеклалтын. Альберт Аркадьевич пейзаж деч посна портрет-влакым сўретла. Пелашыжынат кидше шўртнө: матрешко-влакым да молымат сорастара.

**Х.АЛЕКСАНДРОВА.**



Сўретжым чиялте.



## «Ончалза, могай мастар!»



Виктория Батаева (снимкыште) Звенигово район Кужмара кыдалаш школышто 6-шо классыште тунемеш. Тудо сүретлаш йöрата. Ятыр сүретше дене түрлö конкурсышто танаса, выставкыш ушна.

**Н.ФИЛИПОВА,**  
ИЗО туныктышо.

Авам ден коктын ончен куштымо декабристке пеледыш-влакым снимкыште ужыда. Нуным йöраташ авам туныктен. Ачам уке лиймеке, пеледыш-влакым ончен, чонна лушка. Кызыт декабристке нерген проектым возена, конкурсышко ушнаш шонена.

**Аня ГЕРАСИМОВА.**  
Звенигово, Кужмара.



1. Кермыч дене оптым, пöртым ырыкта. 2. Чодыраште лышташ йымалне кушкеш. 3. Иман янлык. 4. Илалше айдеме.

**Дарья АНДРЕЕВА.**  
Волжский, Пöтъял.

### Кроссворд

		Н		
		Н		
		Н		
		Н		



Тудо 1 менге öрдыжтö улшо арверым ужеш.


Кас Мотор, вучымо. Толеш, куандара, малыкта. Йöратыме жапем. Тат.

**Алина ПОЛУШИНА.**  
Советский, Öрша.

Эн йöратыме жапем Шошо вöд ден йынгыртен, Кайык мурым пöлеклен, Мыйым пеш куандарен.

**Диана СЕМЁНОВА.**  
Марий Турек, Арбор.

Яра клеткышке могай стрелкым шындыман?



**Кидмастар**



10 ойыргемым му.



Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 834. Формат – А-4-8. Директор-түг редактор олмеш Л.Н.Григорьева

E-mail: yamde\_lii@mari-el.ru, yamde\_lii@mail.ru Сайтын адресше: yamde-lii.pro, Тел. 8(8362) 45-22-82 (факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакым пашаш шотышто министерстве, «Ямделий» газет» кугыжаныш унитарный казна предприятий.

Газетым редакцийыште погмо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследиим аралымыште законодательством шуктен шогымым эскерыше Федеральнй службн Приволжский федеральнй округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Газетым Печать да массовый коммуникаций шотышто Федерал агентствын окса польшыж дене лукмо.

0+

Соцсетьюсе адрес-влак: ok.ru/yamdellii vk.com/yamde\_lii

Авторын да редакцийын шонымышт түрлö лийын кертыт. Серыш-влак мөнгөш огыт колталт. Ак – кутырен келшыме почеш.

Редакцийын да издателын адресше: 424006, Йошкар-Ола, СССР Вооружённый Вийын 70-ше идалькыше урем, 20 (почтовый) Эгерүмбал Амстердам, 1 (фактический).